

REGLUGERÐ

um verkleg próf til löggildingar til endurskoðunarstarfa.

1. gr.

Verkleg próf fyrir löggilta endurskoðendur skulu haldin af prófnefnd er ráðherra skipar.

2. gr.

Ráðherra skipar þrjá menn í prófnefnd og þrjá til vara. Einn prófnefndarmaður skal skipaður eftir tilnefningu stjórnar Félags löggiltra endurskoðenda, einn eftir tilnefningu viðskiptadeildar Háskóla Íslands og einn án tilnefningar og skal hann vera formaður nefndarinnar. Skal hann vera löggiltur endurskoðandi. Varamaður hvers nefndarmanns skal skipaður á sama hátt og aðalmaður.

Nefndin skal skipuð til fimm ára í senn.

3. gr.

Verkleg próf skulu að jafnaði haldin einu sinni ár hvert.

Prófnefnd skal auglýsa fyrirhuguð próf með a.m.k. þriggja mánaða fyrirvara. Skulu þeir sem hyggjast þreyta prófraun tilkynna það prófnefnd a.m.k. tveim mánuðum fyrir upphaf prófa og skulu fylgja tilkynningunni skilríki fyrir því að prófmaður fullnægi skilyrðum 1.–4. tl. 2. gr. laga nr. 67/1976 um löggilta endurskoðendur. Prófnefnd skal meta hvort framangreindum skilyrðum er fullnægt en mati hennar má skjóta til ráðherra.

4. gr.

Prófraunir skulu a.m.k. vera fjórar og til þess gerðar að þær sýni nauðsynlega verklega þekkingu prófmanns á bókhaldi, endurskoðun og reikningsskilum svo og öðrum þáttum í störfum löggiltra endurskoðenda.

Prófverkefni skulu samin af einstökum prófnefndarmönnum eða þeim, sem prófnefndin felur það starf. Verkefnin skulu lögð fyrir prófnefnd til samþykktar.

5. gr.

Tveir aðilar skulu meta sjálfstætt úrlausnir prófmanna, annars vegar sá sem samdi viðkomandi verkefni og hins vegar aðili sem prófnefnd tilnefnir.

6. gr.

Við próf skulu gefnar einkunnir eftir sama einkunnastiga og notaður er í viðskiptadeild Háskóla Íslands, ein einkunn fyrir hverja prófraun.

Til þess að standast próf, þarf prófmaður að hljóta einkunnina 7,5 í hverri prófraun miðað við núgildandi einkunnastiga (hæsta einkunn 10, lægsta einkunn 0), eða samsvarandi einkunnir eftir öðrum einkunnastigum.

Nú stenst prófmaður eigi prófraun og er honum þá heimilt að þreyta prófraun að nýju þegar almennt verklegt próf er haldið.

Frá því prófmaður stenst fyrstu prófraun þar til hann hefur lokið hinni síðustu með fullnægjandi árangri mega líða þrjú ár hið mesta.

7. gr.

Einkunnir skulu birtar prófmönnum innan tveggja mánaða frá því að prófum lýkur. Prófnefnd skal afhenda þeim prófmönnum er standast próf skírteini um að þeir hafi staðist prófið.

8. gr.

Reglugerð þessi sem sett er samkvæmt heimild í lögum nr. 67/1976, um löggilta endurskoðendur, með síðari breytingum, öðlast þegar gildi. Jafnframt fellur úr gildi reglugerð nr. 208/1979 með síðari breytingum.

Fjármálaráðuneytið, 14. ágúst 1989.

Ólafur Ragnar Grímsson.

Ágústa Helga Sigurðardóttir.

SAMÞYKKT

um álagningu gatnagerðargjalda við byggðar götur í Búlandshreppi í S-Múlasýslu.

1. gr.

Hreppsnefnd Búlandshrepps er heimilt að leggja gatnagerðargjöld á lóðir og byggingar í Búlandshreppi eftir því sem segir nánar í samþykkt þessari.

2. gr.

Gatnagerðargjald B er gjald vegna þátttöku lóðarhafa í kostnaði við lagningu bundins slitlags og frágang gangstétta. Gjaldið skal miða við rúmmetra húss eins og það er skráð hjá Fasteignamati ríkisins. Við útreikning rúmmáls til gatnagerðargjalds skal miðað við lofthæð 3.30 m að innanmáli í atvinnuhúsnæði en 2.70 m í íbúðarhúsnæði nema uppdráttur sýni minna.

3. gr.

Gjaldið skal nema ákveðnum hundraðshluta byggingarkostnaðar á rúmmetra eins og hann er talinn á hverjum tíma af Hagstofu Íslands svo sem hér segir:

Einbýlishús	3,0%
Fjölbýlishús, tvíbýlishús og raðhús	2,0%
Verslanir og skrifstofuhúsnæði	3,0%
Iðnaðarhús, vörugeymslur og atvinnuhúsnæði	1,0%
Opinberar byggingar	3,0%
Gripahús	1,0%
Bífreidageymslur á einbýlishúsalóðum	1,0%
Annað húsnæði	2,0%

Gjald af íbúðarhúsnæði skal aldrei vera lægra en sem svarar af 250 m³. Auk þessa gjalds skulu lóðarhavar greiða í gatnagerðargjald kr. 100.00 af hverjum fermetra lóðar. Bífreidastæði greiða húseigendur sjálfir.

4. gr.

Gjöld samkvæmt 3. gr. skulu breytast til samræmis við breytingar á byggingarvísitölu gefinni út af Hagstofu Íslands.

5. gr.

Gatnagerðargjald samkvæmt 3. gr. greiðist þannig: 20% greiðist þegar lagningu bundins slitlags er lokið. Eftirstöðvar greiðast með skuldabréfi með jöfnum árlegum afborgunum á næstu 4 árum. Gjaldldagi afborgana er 1. júlí. Vextir og verðtrygging skal vera samkvæmt kjörum Bygðasjóðs í samræmi við kjör þau er hann veitir lán til varanlegrar gatnagerðar.